



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU STRANKE DEMOKRATSKE AKCIJE

Broj: 03-07-6-295/12
Sarajevo, 31.07. 2013. godine

SADRŽAJ:

MIŠLJENJE	2
1. UVOD	3
2. PREDSTAVLJANJE POLITIČKE STRANKE	3
3. OPIS PREGLEDA I KONTROLE FINANSIJSKOG IZVJEŠTAJA	3
Predmet pregleda i kontrole	4
Cilj pregleda i kontrole	4
Obim pregleda i kontrole	4
4. PRETHODNE KONTROLE I REVIZIJE	4
5. NALAZI I PREPORUKE	4
5.1. NALAZI	4
5.2. PREPORUKE	9

MIŠLJENJE

Služba za reviziju finansiranja političkih stranaka izvršila je pregled godišnjeg finansijskog izvještaja Stranke demokratske akcije za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa odredbama tada važećeg Zakona o finansiranju političkih stranaka („Službeni glasnik BiH“ br. 22/00,102/09 i 54/10)¹- u daljem tekstu Zakona o finansiranju i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled, kako bismo dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost, koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja, utvrđeno je da Stranka demokratske akcije u 2011. godini nije postupila u skladu sa odredbama člana 8. stav (1) i člana 11. stav (1) i stav (3) Zakona o finansiranju.

Pregledom, odnosno kontrolom finansijskog izvještaja, osim gornje napomene, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju.

¹ Dana 5.12.2012. godine stupio je na snagu novi Zakon o finansiranju političkih stranaka („Službeni glasnik BiH“ br.95/12).

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke demokratske akcije za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka demokratske akcije ostvarila je ukupne prihode u iznosu od 4.255.585,05 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk.prih. %
1	Članarina	57.819,75	1,35%
2	Prilozi fizičkih lica	570.983,07	13,45%
3	Prilozi pravnih lica	40.274,00	0,95%
4	Prihodi od imovine	27.216,00	0,65%
5	Prihodi od pr.lica	0,00	0,00%
6	Prihodi od poklona	4.017,37	0,05%
7	Prihodi iz budžeta	3.446.862,70	81,00%
	Ostali prihodi	108.412,16	2,55%
	Ukupni prihodi:	4.255.585,05	100,00%

U godišnjem finansijskom izvještaju Stranka demokratske akcije iskazala je ukupne rashode u iznosu od 4.305.265,19 KM.

2. PREDSTAVLJANJE POLITIČKE STRANKE

Naziv političke stranke: Stranka demokratske akcije. Skraćeni naziv stranke je SDA.

Stranka demokratske akcije je upisana Rješenjem Višeg suda u Sarajevu broj: R-I-7/90 od 13.06.1990. godine upisana u registar Udruženja.

Sjedište političke stranke je u Sarajevu, ulica Titova 9a.

Za zastupanje stranke ovlašten je Sulejman Tihić, predsjednik stranke.

Lice ovlašteno za podnošenje finansijskih izvještaja za 2011. godinu je Amir Zukić.

Prema podacima iz godišnjeg finansijskog izvještaja za 2011. godinu, organizacionu strukturu Stranke demokratske akcije čine:

- Centrala SDA,
- 9 kantonalnih odbora,
- 6 regionalnih odbora,
- SDA Brčko Distrikt BiH,
- SDA Gradski odbor Mostar, i
- 115 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke demokratske akcije za 2011. godinu.

Cilj pregleda i kontrole je da revizor na bazi finansijskog izvještaja pokuša ustanoviti da li je politička stranka u izvještajnom periodu postupala u skladu sa odredbama Zakona o finansiranju. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju, da bi mogao izraziti mišljenje o tome da li se stranka finansirala u skladu sa Zakonom o finansiranju.

Obim pregleda i kontrole finansijskog izvještaja Stranke demokratske akcije obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i ostale prihode.

4. PRETHODNE KONTROLE I REVIZIJE

Služba za reviziju je obavila reviziju i pregled finansijskih izvještaja Stranke demokratske akcije za period od 2004. do 2010. godine, nakon čega su izdati izvještaji o reviziji, odnosno izvještaji o pregledu sa mišljenjem revizora, nalazima revizije i preporukama.

Nakon izvršene revizije za 2010. godinu, Služba za reviziju je izdala Izvještaj o reviziji godišnjeg finansijskog izvještaja sa mišljenjem revizora, nalazima revizije i preporukama da stranka treba postupati u skladu sa odredbama člana 3. stav (1) i stav (2), člana 4. stav (2), člana 5., člana 6., člana 8. stav (1) i stav (2) i člana 11. stav (1) i stav (3) Zakona o finansiranju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2011. godinu, utvrđeno je da Stranka demokratske akcije nije ispoštovala preporuke iz Izvještaja o reviziji godišnjeg finansijskog izvještaja za 2010. godinu, odnosno i dalje postupa suprotno odredbama člana 8. stav (1) i člana 11. stav (1) i stav (3) Zakona o finansiranju.

5. NALAZI I PREPORUKE

5.1. NALAZI

a) Stranka demokratske akcije prekršila je odredbe člana 8. stav (1) Zakona o finansiranju.²

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da je su općinski odbori Stranka demokratske akcije koristili bez naknade ili po povoljnijim uslovima prostorije općina, što je suprotno odredbama člana 8. stav (1) Zakona o finansiranju.

- Prema podacima koje je dostavila Općina Novo Sarajevo utvrđeno je da je OO SDA Novo Sarajevo koristio, bez naknade, prostorije Općine Novo Sarajevo, površine 81,40 m². Prema odluci o dodjeli na korištenje poslovnih prostora o visini i načinu plaćanja zakupnine za

² Državni, entitetski i kantonalni organi, organi Brčko Distrikta BiH, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

poslovne prostore na kojima pravo raspolaganja ima Općina Novo Sarajevo ("Službene novine Kantona Sarajevo", broj 29/07) najniža visina zakupnine po m² za prvu poslovnu zonu iznosi 12,00 KM. Neplaćanjem zakupnine za vrijeme korištenja poslovnog prostora u 2011. godini, SDA je primila prilog Općine Novo Sarajevo u iznosu od 11.721,60 KM.

- Općinski odbor SDA Centar Sarajevo je na osnovu Ugovora o zakupu poslovnih prostorija³, koristio poslovni prostor Općine Centar Sarajevo, površine 105 m², po cijeni koja je ugovorena u iznosu od 1,00 KM/m². Prema Odluci o dodjeli u zakup poslovnih zgrada i prostorija Općine Centar Sarajevo, broj: 01-49-1690/09 od 23.06.2009. godine ("Službene novine Kantona Sarajevo", broj 20/09), najniža cijena zakupnine u I zoni iznosi 20,00 KM/m². Korištenjem poslovnog prostora u 2011. godini po cijeni koja je ispod cijene utvrđene navedenom odlukom, Stranka demokratske akcije je ostvarila prihod u iznosu od 23.940,00 KM.
- Općinski odbor Stranke demokratske akcije Ilidža je u periodu od 01.01. do 31.12.2011. godine, koristio bez naknade prostorije Općine Ilidža, površine 63 m². Dana 07.10.2009. godine, OO SDA Ilidža je sa Općinom Ilidža sklopio Ugovor o zakupu poslovnog prostora, broj: 05-23-818/2-08. Ugovorom je definisano da će OO SDA Ilidža, počev od 01.10.2009. godine pa do 30.09.2012. godine, koristiti poslovni prostor površine 63,00 m², po cijeni koja je ugovorena u iznosu od 2,00 KM po m², odnosno 10% od početne cijene zakupa po m² koja iznosi 20,00 KM za ekstra zonu u kojoj se nalazi navedeni poslovni prostor. Korištenjem poslovnog prostora po cijeni koja je ispod početne, Stranka demokratske akcije je primila prilog Općine Ilidža u iznosu od 13.608,00 KM.
- Općinski odbor Stranke demokratske akcije Ilijaš je, bez naknade, poslovni prostor, površine 37,96 m², u vlasništvu Općine Ilijaš⁴. Obzirom da je Odlukom o načinu i visini plaćanja zakupnine poslovnih prostora na području Općine Ilijaš ("Službene novine Kantona Sarajevo", broj 2/00) propisano da najniža mjesečna cijena zakupa na području općine iznosi 8,00 KM po m², stranka je ostvarila prilog Općine Ilijaš u iznosu od 3.644,16 KM.
- Općinski odbor SDA Jajce koristio je bez naknade prostorije u vlasništvu Općine Jajce⁵, površine 84,48 m². Obzirom da je Odlukom o davanju na privremeno korištenje poslovnog prostora na području Općine Jajce („Službene novine Općine Jajce“, broj 5/10) propisano da najniža mjesečna cijena zakupa poslovnog prostora na području općine Jajce iznosi 5,00 KM/m², SDA je primila prilog Općine Jajce u iznosu od 5.068,80 KM.
- OO SDA Fojnica je na osnovu Odluke o dodjeli na korištenje poslovnih prostorija, bez naknade⁶, koristio poslovne prostorije u vlasništvu Općine Fojnica, površine 26,78 m². Obzirom da je Odlukom o visini zakupnine za poslovne prostore Općine Fojnica, broj: 01-05-490/02 od 28.10.2002. godine, utvrđeno da mjesečna cijena zakupa iznosi 3,00 KM/m², OO SDA Fojnica je neplaćanjem zakupa ostvario prihod u iznosu od 964,08 KM.

Osim navedenog, Služba za reviziju je utvrdila i sljedeće:

- Općinski odbor SDA Srebrenica je na osnovu odluke Načelnika Opštine Srebrenica od 03.10.2005. godine, koristio bez naknade prostorije u zgradi stare Policijske stanice u Srebrenici.

³ Akt Općine centar Sarajevo br.04-49-1000/12 od 24.04.2012. godine sa dostavljenim Ugovorom o zakupu, zaključenim dana 01.09.2010. godine između Općine centar Sarajevo i Stranke demokratske akcije.

⁴ Akt Općine Ilijaš broj: 04/1-14-882/12 od 11.04.2012. godine.

⁵ Akt Općine Jajce broj: 02-23-2730/12 od 23.04.2012. godine.

⁶ Odluka o dodjeli na korištenje poslovnih prostorija OV Fojnica broj: 01-05-658-2/02 od 31.12.2002. godine.

- Na osnovu Odluke Općinskog načelnika, OO SDA Jablanica koristi prostorije u zgradi SP-32 površine 24 m², bez naknade.⁷
- Općinski odbori Stranke demokratske akcije: Stari Grad Sarajevo, Sanski Most, Breza i Hadžići koriste bez naknade prostorije kojim raspolažu općine Stari Grad Sarajevo, Sanski Most, Breza i Hadžići.

b) Stranka demokratske akcije prekršila je odredbe člana 11. stav (1) i stav (3) Zakona o finansiranju⁸.

Na osnovu obavljenog pregleda godišnjeg finansijskog izvještaja utvrđeno je da je Stranka demokratske akcije u svojim poslovnim knjigama evidentirala prihode u većem iznosu od ostvarenih a rashode i obaveze u manjem iznosu, i da obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. stav (1) i stav (3) Zakona o finansiranju.

(1) Stranka je u godišnjem finansijskom izvještaju iskazala ostale prihode u ukupnom iznosu od 108.412,60 KM, za koje je uz finansijski izvještaj priložila i specifikaciju u skladu sa članom 13. stav (4) Pravilnika o godišnjim finansijskim izvještajima političkih stranaka.

- U okviru ostalih prihoda SDA je iskazala i prihode po osnovu prodaje osnovnih sredstava (automobili) u iznosu fakturne vrijednosti u ukupnom iznosu od 47.285,60 KM. Uvidom u dokumentaciju i poslovne knjige, utvrđeno je da su prihodi iskazani u znatno većem iznosu od prihoda koje je stranka ostvarila prodajom svoje imovine. Pregledom je utvrđeno da SDA u svojim poslovnim knjigama nema adekvatne analitičke evidencije za svako pojedinačno osnovno sredstvo, što kao rezultat ima pogrešno iskazanu imovinu, odnosno prihode po osnovu prodaje osnovnih sredstava⁹.
- Centrala SDA Sarajevo je u godišnjem finansijskom izvještaju iskazala prihod po osnovu otpisa pozajmice od KO SDA Srednjobosanskog kantona u iznosu od 10.000,00 KM, čime je prekršila odredbu člana 13. stav (5) Pravilnika o godišnjim finansijskim izvještajima političkih stranaka. Pregledom je utvrđeno da se radi o internom prenosu sredstava, odnosno međusobnom zatvaranju potraživanja i obaveza između odbora stranke, te da Centrala SDA po ovom osnovu nije ostvarila prihod. Napominjemo da je odredbom člana 13. stav (5) Pravilnika o godišnjim finansijskim izvještajima političkih stranaka propisano je da se novčana sredstva koja jedan organizacioni dio prenosi drugom organizacionom dijelu unutar političke stranke ne smatraju prihodom i ne iskazuje u godišnjem finansijskom izvještaju.

(2) Stranka demokratske akcije je za Centralu stranke na obrascu 3-a (prilozi fizičkih lica) finansijskog izvještaja nije iskazala donacije u iznosu od 253,16 KM. Kontrolom izvoda

⁷ Odluka Općine Jablanica broj: 01/1-023-421/98 od 05.05.1998. godine

⁸ Prema odredbi člana 11. stav (1) Zakona o finansiranju, stranka je obavezna uspostaviti potpune i tačne evidencije o svojim prihodima i rashodima. U skladu sa odredbama člana 11. stav (3) Zakona o finansiranju, stranka podnosi finansijski izvještaj u formi koju odobri Centralna izborna komisija BiH, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

⁹ Dobici ili gubici koji se ostvare u vezi sa prodajom ili rashodovanjem stalne materijalne imovine, utvrđuju se prema Neto principu, u visini neotpisane vrijednosti prodane-rashodovane imovine, odnosno u visini razlike između knjigovodstvene i prodajne vrijednosti i prikazuju se u Bilansu uspjeha u periodu u kome su i nastali.

Privredne banke po transakcionom računu broj: 1011010000195685 utvrđene su donacije dva fizička lica¹⁰ u iznosu od 253,16 KM.

Takođe Kantonalni odbor stranke Sarajevo je primio donaciju fizičkog lica¹¹ u iznosu od 250,00 KM, čija uplata je utvrđena kontrolom prometa izvoda Sparkasse banke dd Sarajevo na transakcionom računu broj: 1990490005071498, navedena donacija nije iskazana u finasijskom izvještaju.

Neiskazivanjem navedenih donacija u ukupnom iznosu od 503,16 KM, stranka je postupila suprotno odredbama člana 11. stav (3) Zakona o finansiranju, i odredbama člana 14. Pravilnika o godišnjim finasijskim izvještajima političkih stranaka.

- (3) Pregledom je utvrđeno da SDA rashode nije evidentirala u momentu nastanka obaveze, već u momentu plaćanja obaveze, što kao rezultat ima netačno iskazane rashode, odnosno obaveze na dan 31.12.2011. godine.

Služba za reviziju je utvrdila da Stranka demokratske akcije u godišnjem finasijskom izvještaju nije pravilno iskazala troškove zakupa poslovnih prostorija, čime je prekršila odredbe člana 20. i člana 21. Pravilnika o godišnjim finasijskim izvještajima političkih stranaka.

Pregledom je utvrđeno da su troškovi zakupa poslovnih prostora koje su koristili organizacioni dijelovi Stranke demokratske akcije u obrascima 4-1 (režijsko-administrativni i ostali troškovi) iskazani u manjem iznosu za 11.758,00 KM, i to:

- Općinski odbor SDA Velika Kladuša je na osnovu Ugovora o zakupu poslovnih prostora od 12.02.2009. godine¹², koristio prostorije u vlasništvu fizičkog lica. Prema odredbi ugovora, cijena mjesečnog zakupa je iznosila 200,00 KM, odnosno 2.400,00 KM za 2011. godinu. Uvidom u obrazac 4-1 utvrđeno je da Općinski odbor SDA Velika Kladuša nije iskazao troškove zakupa.
- Na osnovu Ugovora o zakupu poslovnih prostora od 19.01.2010. godine, Općinski odbor SDA Olovo koristio prostorije u vlasništvu fizičkog lica¹³. Prema odredbama ugovora, mjesečni zakup poslovnog prostora iznosio je 300,00 KM, odnosno 3.600,00 KM godišnje. Pregledom je utvrđeno da SDA nije u obrascu 4-1 OO SDA Olovo iskazala troškove zakupa.
- Pregledom je utvrđeno da su troškovi zakupa poslovnog prostora Općinskog odbora SDA Konjic u 2011. godini iznosili 3.940,00 KM, ali da stranka u obrascu 4-1 nije iskazala ove troškove.
Naime, uvidom u Ugovor o zakupu poslovnog prostora, broj: 08-25-10-64/09 od 12.01.2009. godine, utvrđeno je da je Općinski odbor SDA Konjic koristio prostorije Općine Konjic uz ugovorenu mjesečnu cijenu zakupa u iznosu do 328,32 KM.
- Općinski odbor SDA Zvornik je dana 01.05.2009. godine zaključio Ugovor o zakupu poslovnih prostora sa Medžlisom Islamske zajednice Zvornik, kojim je ugovorena cijena mjesečnog zakupa u iznosu od 100,00 KM, odnosno 1.200,00 KM godišnje. Uvidom u

¹⁰ Butković Mujo uplatio 190,00 KM po izvodu br.136, u izvještaju iskazano 30,00 KM, odnosno manje za 130,00 KM, i Selimović Emir po izvodu br.161 uplatio 61,56 KM i po izvodu 197 uplatio 61,60 KM-što takođe nije iskazano u izvještaju.

¹¹ Demić Šaban, uplata na TRN Sparkasse banke dana 06.01.2011.god. u iznosu od 250,00 KM.

¹² Ugovor o zakupu OO SDA Velika Kladuša i Alagić Ejub.

¹³ Ugovor o zakupu broj: U-1/2010. između OO SDA Olovo i Bulbul Amel.

godišnji finansijski izvještaj utvrđeno je da Stranka demokratske akcije nije iskazala troškove zakupa poslovnog prostora koji je koristio Općinski odbor SDA Zvornik.

- Pregledom je utvrđeno da SDA nije u godišnjem finansijskom izvještaju iskazala troškove zakupa poslovnog prostora koji je koristio Općinski odbor SDA Bijeljina, a koji su prema odredbama Ugovora o zakupu iznosili 1.800,00 KM.
Služba za reviziju je izvršila uvid u Ugovor o zakupu poslovnih prostora od 01.02.2005. godine, i utvrdila da je Općinski odbor SDA Bijeljina koristio prostorije u vlasništvu fizičkog lica¹⁴, te da je cijena mjesečnog zakupa iznosila 150,00 KM, odnosno 1.800,00 KM na godišnjem nivou.
- Uvidom u godišnji finansijski izvještaj i ugovore o zakupu koje je dostavila stranka, utvrđeno je da su troškovi zakupa za 2011. godinu više iskazani za 1.182,00 KM, i to: OO SDA Tešanj za 582,00 KM¹⁵ i OO SDA Bratunac za 600,00 KM.¹⁶

(4) Kontrolom je utvrđeno da Stranka demokratske akcije nije popunila obrazac 5 (pozajmice, krediti i dugovanja) u skladu sa odredbama člana 23. Pravilnika o godišnjim finansijskim izvještajima političkih stranaka i da u poslovnim knjigama nije uspostavila potpune i tačne evidencije o obavezama prema dobavljačima.

Prema podacima iz obrasca 5 godišnjeg finansijskog izvještaja Stranka demokratske akcije je na dan 31.12.2011. godine imala obaveze prema dobavljačima u ukupnom iznosu od 904.489,73 KM.

Pregledom je utvrđeno da je Stranka demokratske akcije u godišnjem finansijskom izvještaju obaveze prema dobavljačima iskazala manje za 68.930,49 KM, i to:

- Centrala Stranke demokratske akcije Sarajevo je u finansijskom izvještaju i poslovnim knjigama iskazala obaveze po osnovu zakupa prema Službi za zajedničke poslove organa i tijela Federacije Bosne i Hercegovine u iznosu od 45.000,00 KM.
Na osnovu podataka koje je dostavila Služba za zajedničke poslove organa i tijela Federacije Bosne i Hercegovine¹⁷, utvrđeno je da su obaveze SDA na dan 31.12.2011. godine iznosile 97.480,00 KM, što je za 52.480,00 KM više u odnosu na obaveze koje je SDA iskazala u obrascu 5.
- Kontrolom je utvrđeno da je Centrala SDA Sarajevo u obrascu 5 godišnjeg finansijskog izvještaja i poslovnim knjigama iskazala manje obaveze prema pravnom licu "ASA PVA" Sarajevo za 5.585,66 KM.
Uvidom u finansijsku dokumentaciju koju je dostavilo pravno lice¹⁸, utvrđeno je da su obaveze stranke prema "ASA PVA" Sarajevo na dan 31.12.2011. godine iznosile 15.910,99 KM, a ne 10.325,43 KM, koliko je stranka iskazala u obrascu 5 godišnjeg finansijskog izvještaja.

¹⁴ Ugovor o zakupu, OO SDA Bijeljina i Hasković Omer.

¹⁵ OO SDA Tešanj ima Ugovor o zakupu sa JU Centar za kulturu i obrazovanje Tešanj, godišnji zakup iznosi 3444,00 KM, iskazani troškovi zakupa na obrascu 4-1. od 4026,00 KM.

¹⁶ OO SDA Bratunac ima Ugovor o zakupu sa Bešić Eminom, godišnji zakup po ugovoru iznosi 1200,00 KM, iskazani troškovi zakupa na obrascu 4-1. u iznosu od 1800,00 KM.

¹⁷ Izvod otvorenih stavki Federacije BiH Službe zajedničkih poslova organa i tijela, broj: 02-14-330/12 od 02.02.2012. godine.

¹⁸ Izvod otvorenih stavki ASA PVA Sarajevo od 14.08.2012. godine.

- Pregledom je utvrđeno da je Kantonalni odbor SDA Sarajevo iskazao manje obaveze prema Općini Stari grad Sarajevo za 10.864,83 KM. Uvidom u godišnji finansijski izvještaj utvrđeno je da je Kantonalni odbor SDA Sarajevo iskazao obaveze po osnovu zakupa prema Općini Stari grad Sarajevo u iznosu od 41.768,22 KM, dok su prema podacima koje je dostavila Općina Stari grad Sarajevo ukupne obaveze Stranke demokratske akcije po osnovu zakupnine na dan 31.12.2011. godine iznosile 52.633,05 KM.¹⁹

5.2. PREPORUKE

Preporučuje se Stranci demokratske akcije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka i to:*
 - *da ne prima zabranjene priloge,*
 - *da uspostavi potpune evidencije o svojim prihodima i rashodima i*
 - *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

Takođe se preporučuje:

- *da prihode i rashode priznaje u momentu njihovog nastanka, a ne u momentu naplate ili plaćanja,*
- *da uspostavi pomoćne knjige o osnovnim sredstvima i da evidentiranje dobitka ili gubitka po osnovu prodaje osnovnih sredstava vrši u skladu sa računovodstvenim propisima²⁰,*
- *da redovno vrši popis (inventuru) imovine i obaveza, u skladu sa računovodstvenim propisima, i*
- *da izvrši usaglašavanje obaveza, a posebno obaveza iz ranijih godina i izvrši odgovarajuće knjiženje u svojim poslovnim knjigama.*

KOMENTAR:

U ostavljenom roku, Stranka demokratske akcije nije dostavila očitovanje na Preliminirani izvještaj o pregledu godišnjeg finansijskog izvještaja za 2011. godinu, koji je stranci dostavljen dana 19.07.2013. godine.

Mr. Hasida Gušić, šef Službe za reviziju

Nevenko Andan, revizor

¹⁹ Akt Općine Stari Grad Sarajevo-Služba za privredu broj: 04-49-1242/12 od 12.04.2012. godine.

²⁰ Pregledom je utvrđeno da SDA nije uspostavila adekvatne analitičke evidencije o svojoj imovini iz koje je moguće utvrditi knjigovodstvenu vrijednost pojedinačnih sredstava. SDA je u okviru ostalih prihoda iskazala prihode po osnovu prodaje osnovnih sredstava (automobili) u iznosu fakturane vrijednosti u ukupnom iznosu od 47.285,60 KM. Uvidom u dokumentaciju i poslovne knjige, utvrđeno je da su iskazani prihodi znatno veći od prihoda koje je stranka ostvarila prodajom svoje imovine.